

PRIJEDLOG

Na osnovu člana 37. tačka c) Ustava Zeničko-dobojskog kantona-izmjeren Amandmanom XXI na Ustav Zeničko-dobojskog kantona i člana 188. stav 1. Poslovnika Skupštine Zeničko-dobojskog kantona-Novu prečišćeni tekst («Službene novine Zeničko-dobojskog kantona», broj: 7/12 i 12/13), Skupština Zeničko-dobojskog kantona, na ____ sjednici održanoj _____2015. godine, d o n i j e l a j e:

O D L U K U **o potvrđivanju Vlade Zeničko-dobojskog kantona**

Član 1. **(Potvrđivanje i sastav Vlade)**

Skupština Zeničko-dobojskog kantona potvrđuje Vladu Zeničko-dobojskog kantona u sljedećem sastavu:

1. **Miralem Galijašević**, premijer Zeničko-dobojskog kantona,
2. **Zvonimir Anđelić**, ministar Ministarstva za privredu,
3. **Himzo Smajić**, ministar Ministarstva za poljoprivredu, šumarstvo i vodoprivredu,
4. **Mirnes Bašić**, ministar Ministarstva za pravosuđe i upravu,
5. **Andrej Kajić**, ministar Ministarstva finansija,
6. **Hajrudin Žilić**, ministar Ministarstva unutrašnjih poslova,
7. **Nurdehan Šahinović**, ministar Ministarstva za rad, socijalnu politiku i izbjeglice,
8. **Mensur Sinanović**, ministar Ministarstva za obrazovanje, nauku, kulturu i sport,
9. **Bojan Gvozdenović**, ministar Ministarstva zdravstva,
10. **Goran Bulajić**, ministar Ministarstva za prostorno uređenje, saobraćaj i komunikacije i zaštitu okoliša,
11. **Fahrudin Čolaković**, ministar Ministarstva za boračka pitanja.

Član 2. **(Stupanje na snagu i objavljivanje)**

Odluka stupa na snagu danom donošenja i objavit će se u «Službenim novinama Zeničko-dobojskog kantona».

PREDSJEDAVAJUĆA

Draženka Subašić

Broj: 01-_____/15
Datum, _____2015. godine
Zenica

O B R A Z L O Ž E N J E:

I – PRAVNI OSNOV

Pravni osnov za donošenje Odluke o potvrđivanju Vlade sadržan je u članu 37. tačka c) Ustava Zeničko-dobojskog kantona, izmjenjenom Amandmanom XXI na Ustav Zeničko-dobojskog kantona, kojim je propisano da Skupština potvrđuje Vladu Kantona i članu 188. stav 1. Poslovnika Skupštine Zeničko-dobojskog kantona kojim je propisano da Skupština odlučuje o Prijedlogu Odluke o potvrđivanju Vlade Kantona u cjelini, javnim glasanjem.

II – RAZLOZI ZA DONOŠENJE

Implementacija rezultata Općih izbora u BiH održanih 12.10.2014. godine obuhvata i konstituisanje izvršne vlasti Kantona.

Amandmanom XXXII na Ustav Zeničko-dobojskog kantona, kojim je izmjenjen Amandman II na Ustav Kantona propisano je da Vladu Kantona čine premijer Kantona i ministri ministarstava čiji se broj utvrđuje zakonom, te da Vladu Kantona potvrđuje Skupština Kantona većinom glasova, te da Vlada preuzima dužnost nakon potvrđivanja od Skupštine Kantona.

Shodno članu 187. stav 1. Poslovnika Skupštine Zeničko-dobojskog kantona-Novi prečišćeni tekst («Službene novine Zeničko-dobojskog kantona», broj: 7/12 i 12/13), kandidat za mjesto premijera Kantona Miralem Galijašević dostavio je 20.02.2015. godine predsjedavajućoj Skupštine prijedlog kandidata za ministre u Vladi Kantona, koji je predsjedavajuća Skupštine, shodno članu 187. stav 2. istog Poslovnika, odmah prosljedila Komisiji za izbor i imenovanja, koja je na sjednici održanoj dana 04.03.2015. godine utvrdila **Prijedlog Odluke o potvrđivanju Vlade Zeničko-dobojskog kantona**, te predlaže Skupštini donošenje iste u utvrđenom tekstu.

III – OBJAŠNJENJE PREDLOŽENIH RJEŠENJA

Članom 1. propisano je da Vladu Kantona potvrđuje Skupština Kantona, kao i sastav Vlade Kantona.

Članom 2. propisano je stupanje na snagu Odluke ranije od Ustavom propisanog roka, kako bi potvrđena Vlada mogla odmah preuzeti dužnost, kao i objavljivanje Odluke u „Službenim novinama Zeničko-dobojskog kantona“.

IV – FINANSIJSKA SREDSTVA

Za provođenje ove Odluke potrebna finansijska sredstva obezbijedena su u Odluci o privremenom finansiranju Zeničko-dobojskog kantona za period januar-mart 2015. godine, a do kraja godine bit će planirana i u Budžetu Kantona za 2015. godinu.

KOMISIJA ZA IZBOR I IMENOVANJA